



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU **NEOVISNE LISTE „ZA KUPRES“**

Broj: 03-07-6-770/18
Sarajevo, 28.05.2019. godine

SADRŽAJ

| | |
|-----------------------------------------------------------|---|
| MIŠLJENJE REVIZORA | 3 |
| 1. UVOD | 4 |
| 2. PREDSTAVLJANJE POLITIČKE STRANKE | 4 |
| 3. OPIS PREGLEDA I KONTROLE FINANSIJSKOG IZVJEŠTAJA | 5 |
| Predmet pregleda i kontrole | 5 |
| Cilj pregleda i kontrole | 5 |
| Obim pregleda i kontrole | 5 |
| 4. PRETHODNE KONTROLE I REVIZIJE | 5 |
| 5. NALAZI I PREPORUKE | 5 |
| 5.1 NALAZI | 5 |
| 5.2 PREPORUKE | 5 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Neovisne liste „Za Kupres“ za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2017. godine, utvrđeno je da je Neovisna lista „Za Kupres“ prekršila odredbe člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Neovisne liste „Za Kupres“ za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz obrasca 3 godišnjeg finansijskog izvještaja, Neovisna lista „Za Kupres“ se finansirala iz sljedećih izvora:

| R/B | Izvori finansiranja | Iznos (KM) | Struktura (%) |
|-----------|--------------------------------------------------------------------|-----------------|---------------|
| 1. | Članarina | 0,00 | 0,00 |
| 2. | Prilozi fizičkih lica (3-a) | 0,00 | 0,00 |
| 3. | Prilozi pravnih lica (3-b) | 0,00 | 0,00 |
| 4. | Prihodi od imovine (3-c) | 0,00 | 0,00 |
| 5. | Prihodi od dobiti preduzeća u vlasništvu političke stranke (3-d) | 0,00 | 0,00 |
| 6. | Prihodi od poklona (3-e) | 0,00 | 0,00 |
| 7. | Prihodi iz budžeta (3-f) | 1.000,00 | 50,00 |
| 8. | Prihodi od propagande (3-g) | 0,00 | 0,00 |
| I | Ukupni prihodi (1-8) | 1.000,00 | 50,00 |
| II | Ostali prihodi i drugo | 1.000,00 | 50,00 |
| | Izvori finansiranja (I+II) | 2.000,00 | 100,00 |

U godišnjem finansijskom izvještaju stranka je iskazala rashode u ukupnom iznosu od 88,00 KM.

2. PREDSTAVLJANJE POLITIČKE STRANKE

Naziv političke stranke: Neovisna lista „Za Kupres“. Skraćeni naziv: NLK.

Neovisna lista „Za Kupres“ upisana je u registar kod Općinskog suda u Livnu, rješenjem broj: 068-0-F1-1200002 od dana 15.05.2012. godine.

Sjedište političke stranke je u Kupresu, Magistralni put bb.

Lice ovlašteno za zastupanje stranke je Stipo Ćurković, predsjednik.

Lice ovlašteno za podnošenje finansijskih izvještaja za 2017. godinu je Bagarić Verica.

U Finansijskom izvještaju (na obrascu 1) stranka je konstatovala da ima niže nivoe organizovanja, a u okviru organizacione strukture ih nije navela.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Neovisne liste „Za Kupres“ za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Neovisne liste „Za Kupres“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i reviziju finansijskih izvještaja Neovisne liste „Za Kupres“ za 2012., 2013., 2014. i 2015. godinu, nakon kojih su izdati izvještaji o pregledu, odnosno izvještaj o reviziji sa mišljenjem revizora, nalazima i preporukama revizije. Nakon obavljenog pregleda godišnjeg finansijskog izvještaja za 2015. godinu izdat je izvještaj o pregledu sa mišljenjem revizora, nalazima i preporukama stranci da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa odredbama Pravilnika o godišnjim finansijskim izvještajima političkih stranaka i da poštuje računovodstvene propise.

Neovisna lista „Za Kupres“ nije podnijela godišnji finansijski izvještaj za 2016. godinu.

Centralna izborna komisija BiH je sankcionisala Neovisnu listu „Za Kupres“ i Janju Barišić lice odgovorno za vođenje poslovnih knjiga, podnošenje finansijskih izvještaja i kontakt sa Centralnom izbornom komisijom Bosne i Hercegovine, radi povrede člana 12. stav (4) Zakona o finansiranju političkih stranaka, jer nisu podnijeli godišnji finansijski izvještaj za 2016. godinu.

5. NALAZI I PREPORUKE

5.1 NALAZI

a) **Neovisna lista „Za Kupres“ prekršila je odredbe člana 5. stav (4) Zakona o finansiranju političkih stranaka.**¹

Politička stranka nije uspostavila evidenciju u godišnjem finansijskom izvještaju i Godišnjem obračunu za 2017. godinu o nenovčanoj donaciji koju je ostvarila po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Na zahtjev Centralne izborne komisije BiH političkoj stranci da dostavi dokaze o korištenju poslovnog prostora, politička stranka je dostavila izjavu² da je koristila vlastiti prostor.

Međutim, uvidom u poslovne knjige utvrđeno je da Neovisna lista „Za Kupres“ nema imovine, pa samim tim ni vlastiti poslovni prostor, što potvrđuje činjenicu da je stranka koristila tuđi prostor bez naknade. Korištenjem poslovnog prostora, bez plaćanja zakupnine, stranka je ostvarila nenovčanu donaciju, koju je bila obavezna da evidentira u poslovnim knjigama i finansijskom izvještaju za 2017. godinu.

¹ Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga.

² Izjava 18.02.2019. godine

b) Neovisna lista „Za Kupres“ prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Neovisna lista za Kupres nije tačno i pravilno evidentirala prihode i nije pravilno popunila obrasce godišnjeg finansijskog izvještaja, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka i odredbe člana 13. i člana 19. Pravilnika o godišnjim finansijskim izvještajima političkih stranaka- u daljnjem tekstu: Pravilnik.

- Pregledom godišnjeg finansijskog izvještaja, utvrđeno je da stranka na obrascu 3 (izvori finansiranja) i na obrascu 3-f (prihodi iz budžeta) iskazala sredstva primljena iz budžeta Općine Kupres u iznosu od 1.000,00 KM. Na istom obrascu, stranka je istovremeno iskazala i ostale prihode u iznosu od 1.000,00 KM, odnosno ukupne prihode u iznosu od 2.000,00 KM.

Kontrolom prometa izvoda sa transakcionog računa broj: 1549212003994678 otvorenog kod Intesa Sanpaolo banke d.d., utvrđeno je da je Ministarstvo finansija i trezora BiH uplatilo stranci sredstva u iznosu od 1.000,00 KM, a na osnovu Odluke Centralne izborne komisije BiH o povratu uplaćenog iznosa takse za učešće na Lokalnim izborima održanim 2016. godine.

Stranka je i u poslovnim knjigama povrat vlastitih sredstva po osnovu takse plaćene u prethodnoj godini, iskazala kao prihod iz budžeta, koji nije ostvarila.

Obzirom da je priliv sredstva po osnovu povrata takse stranka u finansijskom izvještaju iskazala kao prihod u iznosu od 2.000,00 KM, prihod iz budžeta u iznosu od 1.000,00 KM i ostali prihod u iznosu od 1.000,00 KM. Prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka i odredbe člana 13. i člana 19. Pravilnika.

- Stranka nije u poslovnim knjigama i finansijskom izvještaju evidentirala nenovčanu donaciju, koju je ostvarila korištenjem poslovnog prostora u Kupresu bez naknade, čime je prekršila odredbe člana 13. i 18. Pravilnika.
- U poslovnim knjigama i finansijskom izvještaju, odnosno na obrascu 4.1 (Režijsko-administrativni i ostali troškovi) stranka nije iskazala ni troškove zakupa za poslovni prostor koji je koristila bez naknade, čime je prekršila odredbe člana 21. i 22. Pravilnika.
- Pregledom godišnjeg finansijskog izvještaja, utvrđeno je da je politička stranka Neovisna lista za Kupres godišnji finansijski izvještaj za 2017. godinu dostavila nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Uvidom u službene evidencije, utvrđeno je da je stranka godišnji finansijski izvještaj za 2017. godinu elektronskim putem dostavila dana 27.04.2018. godine, a štampanu verziju u PDF formatu 24.01.2019. godine tj. nakon zakonom propisanog roka.

5.2 PREPORUKE

Preporučuje se Neovisnoj listi „Za Kupres“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi evidencije o primljenim nenovčanim donacijama o prihodima, bez obzira na koji način ih ostvaruje,*
- *da finansijske izvještaje dostavlja u zakonom propisanom roku,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i*

- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Politička stranka Neovisna lista za Kupres nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Revizor

Nevenko Andan

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić